



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Theologia Universa**

Archdekin, Richard

Dilingae, 1687

Cap. III. De Sacramento Confirmationis, cum cæteris eò pertinentibus.

urn:nbn:de:hbz:466:1-38477

Respondeo affirmativè, si v.gr. obstetrix adeo peccatis sit, ut manu in matris uterum inferta infantis corpus aliquà ex parte aquà perfundere possit, adjectâ verborum formâ confutâ: Ita docet *Swarez* & 6. alii apud *Dianam Part. I. Tract. 15.*

Idem dicendum est, quando matre pregnanti subito extincta, posit in ejus corpore aditus aperiti, & per illum in prolem adhuc viventem aqua infundi.

QUÆRES tertio: An Ministro illicitum sit sub peccato mortali baptizare Aqua non benedicta in Baptismo solenni sive publico? Nam in privato mortale inde non contrahit plerique agnoscent.

Resp. Culpan lethalem inde non committi; quamvis contrarium docere videatur *Bonacina de Bapt.* Dist. 2. Quæst. 2. Part. 7. Num. 19. & *Nugus Quæst. 7.* Art. 4. Conclus. 2.

Ratio est, quia eti aqua benedicta utendum tradidit etiam Patres antiqui, nullum tamen extat formale præceptum de præmittenda baptismalis aquæ benedictione. 2. Ex gravitate materie censeri solet gravis vel levis omisso aliquis ritus in celebratione Baptismi solennis: Atque materia gravis non videtur omisso illa benedictionis, cum solum ad majorem deceniam illa addatur ad aquam per se ad valorem Baptismi sufficientem. Probat hæc à paritate rationis in ritibus aliorum Sacramentorum *Granatus* & alii apud *Quintanadvenas de Sacramento Baptismi*, Quæst. Sing. 22.

QUÆRES quartò: An Parochus qui Baptismum pluribus annis invalidè administravit, sive ex malitia, sive ex ignorantia, teneatur cum gravi detimento bonorum, vita, aut fame hunc valoris defecatum si propalare ut Baptismi illi iterari, aut suppleri possint?

Respondeo affirmativè, quod plurimum Theologorum auctoritate confirmat *Layman Lib. I. Tract. 3.* Cap. 3. Num. 2. agens de obstetricie invalidè baptizare, & disertus pluribus citatis *Quintanadvenas* Tract. 1. Quæst. Sing. 19.

Ratio est 1. quia ex communi principio Theologorum, salus animæ perdenda preferenda est vita corporali: ergo multo magis salus tot innocentium defectu Baptismi perdenda. Nam moraliter certum est aliquos ex illis infantibus morituros ante annos discretionis quibus possint per contritionem perfidam salutem sua consulere. 2. Quia ex illis invalidè baptizatis qui ad Sacerdoti & Confessori munus pervenerint invalidè etiam consecratos, & absolutorum indubitatum est, ex quo etiam aliis fidelibus nocumentum obvenient gravissimum.

§. IV.

De Patrinis.

IAD munus Patrini tria requiruntur: 1. Ufus rationis (non certa ætas) 2. Ut Patrinus in Baptismo sibi baptizatus, & Patrinus in Confirmatione sit confirmatus, alioquin invalidè suscipiet munus Patrini, & non contrahet cognitionem spiritualem. 3. Requiritur intentio formalis gerendi munus spiritualis Patrini, secundum consuetudinem Ecclesie, nec sufficit infinitum materialiter tantum tenere.

Il. Religiosi Patrini esse non debent; ne ob spirituali cognitionem nimia familiaritas cum secularibus,

præterim feminis, contrahatur. Excipe tamen, si Religiosus sit Episcopus, aut si contraria consuetudo Prælatis non contradicentibus id alicubi permitteret.

III. Parens non debet propriam prolem suscipere, ne contrafacta cognitione spirituali cum conjugé debitum petere non possit. Nec decet ut duo conjuges alienam prolem suscipiant, potest tamen consuetudine honestari. Unde *Coninck* monet duos conjuges suscipientes alienam prolem non contrahere cognitionem spiritualem, alioquin talis suscepit ipsi graviter prohibita esset.

IV. Patrinus unus esse debet, sive mas, sive mulier, vel ad summum duo, mas, & femina. Constat ex Trident. Sccl. 24. Cap. 4. de Reform. Ubi Parochus obligatur ut nomen baptizati, ac patrinorum in librum diligenter referat, eosque moneat de cognitione spirituali contracta inter ippos, & baptizatum, & illius patrem; ac matrem: nec non inter baptizantem ac baptizatum, & hujus patrem ac matrem tantum.

V. In privato Baptismo non est opus patrino; non enim videtur Ecclesia parentes voluisse ad hoc obligare, cum in necessitate vix idoneos eligi possit. Si tamen adhibeat, contrahet cognitionem spiritualem, eo quod patrinus non adhibeat tantum ob majorem solennitatem, sed etiam propter obligationem instruendi puerum in rebus fidei.

Alii tamen negant a Patrinis in privato Baptismo cognitionem spiritualem contrahi, *Sotus, Sanchez, Merarius* &c.

VI. Solent in quibusdam Germaniæ locis Catholici esse Patrini filii hereticorum baptizante illos Ministro heretico indebita forma, in nomine SS. Trinitatis. Neque confutudo videtur improbanda, quia Patrini officium est ut externa susceptione profiteatur, quod hominem modò spiritualiter genitum suscipiat in eum suam tamquam spiritualis ejus nutritius & pædagogus, id autem præstare potest Catholicus, etiam infans ab heretico baptizetur.

QUÆRES [An etiam ad Baptismum infantis Catholici apud Sacerdotem Catholicum liceat admittere Patrimum hereticum?

Respondeo negativè, cum communi Doctorum. Si tamen timeretur gravis indignatio amicorum, etiam hereticorum, aut aliud gravius incommodum, probabile est tales patrimum sine criminis posse admitti, quietiam contrahet cognitionem spiritualem, ita docet *Castrup. Layman, l. 5. Tract. 2. Cap. 9. Diana Par. 9. Tract. 7. Refol. 31.*

CAPUT III.

De Sacramento Confirmationis.

Confirmationem verum esse Sacramentum à Christo institutum, & in primitiva Ecclesia usurpatum, probatum est supra in Controv. Part. I. Capite ultimo.

1. Materia remota Sacramenti Confirmationis est Chrismà ex oleo, & balsamo confectum, atque ab Episcopo benedictum. Colligitur ex Concilio Florentino in Decreto Eugenii, ex perpetuo Ecclesiæ usu, & traditione, quæ testatur Christmatis confectionem semper Episcopo reservatam fuisse.

II. For-

II. Forma hujus Sacramenti est: *Signo te signo crucis, & confirmo te Chrysate salutis, in nomine Patris, & Filii, & Spiritus Sancti.*

III. Effectus Confirmationis est augmentum gratiae sanctificantis: insuper actualis gratiae auxilium ac robur tempore opportuno conferendum ad fidem constanter profitendam.

IV. Convenit ut adulti peccati mortalis sibi concipi, ante Confirmationis susceptionem sacramentaliter confiteantur. Licit enim nullum preceptum extet, adeoque contritio sufficiat, tamen est tamen confiteri ad removendum obicem gratiae quæ ad Sacramento confertur.

V. Subjectum capax hujus Sacramenti est omnis, & folius homo baptizatus. Ratio congrua est, quia sicut natura quos generavit conatur perficere, ita Deus & Ecclesia, quos generavit per baptismum, ad perfectiorem gratiae statum adducit per Confirmationis Sacramentum.

VI. Olim infantibus statim post Baptismum, Confirmationis Sacramentum conferebatur. Verum hodie in plerisque Ecclesiis confundetur est ut non nisi rationis compotes confirmantur. Ratio, partim ut Sacramentum majori cum utilitate suscipiatur, ut poe concurrente actuali fide & reliqua dispositione suscipiantis, partim ut absit periculum repentinae.

VII. Perpetuū amentes, uti & infantes in mortis periculo utiliter & recte confirmantur, ubi id est in usu. Quia hujusmodi cum fructu spirituali, & sine irreverentia Sacramentum Confirmationis suscipiunt, sicut & Baptismum. Est enim tantum per accidens quod namquam sine spiritualiter militatur.

VIII. Hodie non satis constat preceptum suscipiendo Sacramentum Confirmationis, secluso contemptu &c. Est tamen peccatum saltē veniale satis grave sine causa aliquem ordinare qui confirmatus non est, cùm Ecclesiarum consuetudo repugnet.

IX. Minister ordinarius hujus Sacramenti solus Episcopus est. Colligitur ex Act. 8. & 10. & traditur in Concilio Florentino. Potest tamen Pontifex ex plenitudine potestatis sua committere simplici Sacerdoti potestatem ministrandi hoc Sacramentum.

Quæstionem hinc moverit *Cardin. Lugo* Respon. Moral. Lib. I. Dub. 7. An Abbas cui conceduntur functiones Episcopales, excepta dumtaxat collatione Ordinum, confirmatione Ecclesia, & Altarium, possit conferre Sacramentum Confirmationis? quod aliquando in Sacra Congregat. controversum fuit.

Respondebit, arditiā sententiā sacrae Congregationis Gregorium XIII. die 13. Martii anno 1574 respondebat, non comprehendi in ea concessione collationem hujus Sacramenti: Quia in generali concessione non intelliguntur ea quæ sunt specialiter reservata, & de quibus facienda est specialis mentio: non solet autem concedi hæc facultas soli Sacerdoti sine causa urgente, uti colligitur ex *Capit. Pervenit. Disp. 95.* & ex Decreto Eugenii in Concilio Florentino, & fusius ostendit *Suarez. Part. 3. Tom. 3. Disp. 36. Sect. 2.*

X. Ad ceremonias pertinet, 1. Benedictio Chrysatis. 2. Adepte debet Patronus ex precepto obligante sub mortali, nisi adit gravis causa: debet esse diversus à patrino Baptismi, nisi necessitas aliud postulet. 3. Recitantur orationes cum impositione manus super Caput. 4. Frons Chrysate uncta vitta ligatur, quæ circumfertur donec Unctio sit siccata:

ubi scilicet non est consuetudo, praesertim inter hereticos, statim post collatum Sacramentum frontem abluendi (si fieri posse) in fonte Baptismatis: postquam frons lota & Vitta deposita est, ea combinar let, faltem non debet ad profanum usum adhibe s. Episcopus confirmato levem alapam infligit. 6. C. ut jejunii Dist. 5. de Confec. monentur Episcopi jejunis hoc Sacramentum ministrent, & non nul junis. Ex rationabili tamen causa alter fieri posse monent DD. communiter.

QVÆRES primo: An licet Matrimonium contrahere, Professionem Religiosam emittere, vel charismatiam altave Sacraenta suscipere vel ministrare ante susceptionem Confirmationis?

Respondeo affirmativè, iuxta sequentia cum *Suarez* hic Disput. 38. Sect. 1. Hæc obligatio, inquit, non habet locum respectu quinque Sacramentorum, nam Baptismus necessariò antecedere debet & hoc respectu Eucharistia regulariter sit melius ut Confirmationis antecedat, tamen hic ordo non est in precepto uti ex usu Ecclesie constat, &c. Contingit *Granatus* hic Tract. 4. Disput. 2. de Conf. & *Zambranus* Cap. 2. Disp. 3. num. 2. Nulla, inquit, a culpa, si Eucharistia vel alia Sacraenta præter Baptismum & Ordinem ministrentur ante Confirmationem. Idem dicendum de Professione Religiosi, & Matrimonio, cum nec matrimonium, nec vota in Religione nuncupanda, eorumque observatio, à Confirmationis susceptione aut effectibus pendant.

QVÆRES secundo: Quanta sit obligatio Episcoporum ut conferant suis subditis Sacraenta Confirmationis?

Respondeo, gravem illis incumbere obligacionem ut ex parte sua præbeant subditis opportunitatem ut hoc Sacramentum suscipiantur, ut docet *Suarez* in 3. P. 9. 72. Disp. 38. Sect. 2. *Syntagma v. Confirmationis &c.* Quia cùm sint Pastores, tenentur gregis suum palcare, non tantum in rebus ad salutem absolute necessariis, sed etiam in iis, qua conducunt ad singularem ejus utilitatem, maximè inter hereticos, ubi necesse est ad constantem fidei confessionem hoc Sacramento roborari. Hinc etiam Parochi incumbit, pueros in catechesi de hujus Sacramenti virtute edocere, & suo tempore Episcopis confirmatos offerre.

QVÆRES tertio: An licet cuicunque in aliena Parochia, aut Diœcesi confirmari?

Respondeo, quoad primam partem de Parochi affirmativè. 1. Quia nullum extat preceptum quo minus aliquis in aliena Parochia ejusdem Diœcesi confirmetur. 2. Quia cum administratio Confirmationis spectet ad proprium Episcopum, etiam Titulariem, quoad hoc jurisdictionem habet utin singularis Parochias, ita in singulis Parochianis suæ Diœcessis, eti in parochia propria non existant.

Ad secundam partem de Diœcesi, responderetur, Non mini licet confirmari in aliena Diœcesi a bisque licenter sui Ordinarii. Probatur ex communis sententia cum *Suarez*, *Bonacina*, *Filius*, *Reginaldo*, aliisque apud *Laudram de Sacramentis*, Tract. 3. d. 2. q. 9. qui docent ab eo que gravi peccato non posse Episcopum in aliena Diœcesi sine consensu proprii Episcopi, confirmare. Enim subdito licet Confirmationem in aliena Diœcesi suscipere: nisi Ordinarii sui Dimissoriam exhibeat.

De Materia & forma Sacramenti Eu-
charistiae.

In hanc rem multum auctoritatis, & lucis adferuntur Declaratio Cardinalium quae extat apud **BELLARMINUM** in Tridentinum Sess. 7. de Sacram. fol. 64-que sic habet. *Omnis, etiam Prelati exempti, etiam jurisdictione Episcopali, si sint intra fines Diœcesis, tenetur accedere ad Episcopum Diœcesis pro Confirmatione: si vero non sint in Diœcesi aliqua, adeant quam ma- latent.*

RITUS omnes in administratione Confirmationis, & reliquorum Sacramentorum, traduntur infra in fine Terti. III. hujus operis.

CAPUT IV.

De Sacramento Eucharistiae.

Realem Christi presentiam in Sacramento Eucha-
ristiae, Transmutationem panis & vini, Com-
munionem Laicorum sub unica specie &c. contra Se-
tinos accuratè probata invenies supra Tom. I. in Con-
sideratione fidei Part. II. Cap. 3, 4, & 5.

Porro ad Quæstiones alias, & principia hic præmit-
tenda.

Dico breviter primò: In Consecratione ex vi ver-
borum sub speciebus panis constituitur Corpus Christi,
& per concomitantiam etiam Sanguis, anima di-
vinitas, aliaque ipsis unita: uti & in Calice constitui-
tur solus Sanguis ex vi verborum, & reliqua per con-
comitantiam. Constant hæc ex Tridentino Sess. 13.
Cap. 2.

Dico secundò: Christus existit totus in tota, &
totus in singulis partibus hostiæ consecrata: sic nem-
pe nulla pars sensibilis hostiæ sive divisæ, sive con-
junctæ sit tam exigua quin totum Christum conti-
nent. Probatur ex Tridentino Sess. 13. Cap. 3, ubi id
negantibus de Partibus divisis anathema dicit Can. 3.

Dico tertio: Statuitur Christus sub speciebus Eu-
charisticis non per novam productionem, ut aliqui
Theologi volunt, sed per adductionem, id est, per
novam tantum presentiam quæ corpus ejus existens
in celo simul in altari sub speciebus Sacramentalibus
collocatur. Nihil enim aliud ad hoc videtur esse
necessarium.

Dico quartò: Accidentia sive species panis & vi-
ni remanent in Eucharistia extra subjectum, sic ut col-
or, & sapor, & alia, quæ in hoc Sacramento sensu per-
cipimus, in Corpus Christi tanquam subjectum non
recipiuntur. Ita colligitur ex Concilio Constantiensi
Sess. 8. contra Wiclefum id negantem. Non enim
sunt illa in substantia panis jam destructa, neque in
Corpo Christi, quod in Eucharistia est gloriosum,
& passionis expers. Probabilius etiam est, contra
Thomistas, reliqua accidentia non recipi in quanti-
tatem, quæ forte à substantia non distinguitur.

Dico quintò: Definit Christus esse sub speciebus
consecratis, quando species sic immutantur, ut defini-
ret forma panis & vini, si illic loco Christi adesent.
Hinc in stomacho speciebus Eucharisticis per calorem
naturalis destrutis presentia Christi evanescit. His
principiis ita constitutis ad resolutiones practicas pro-
prios accedamus.

LAteria hujus Sacramenti est panis, & vinum:
uti patet ex institutione Christi Matb. 26. &
Marc. 14. Panis ille necessitate Sacramenti debet esse
Triticus, ex praxi, & sensu Ecclesia, & Concilio Flo-
rentino, quod eodem modo panem triticum affi-
gnat, quo vinum pro calice quod constat requiri ad
valorem Sacramenti. Huic tamen non officit immixta
fuisse tritico pauca grana alterius frumenti, quia
per hoc non definit esse panis triticus usualis, ita
D. Thom. aliisque.

II. Oriza, avena, milium, hordeum, non sunt
materia hujus Sacramenti; cum ex iis non soleat panis
confici pro hominis victu nisi ob defectum tritici, qua-
re nec simpliciter panis vocabulum meretur.

III. Ut panis Azymus sit, non est de necessitate Sa-
cramenti, quamvis id congruentius sit, cum etiam
Christus in azymo consecraverit. Observanda tamen
est consuetudo utriusque Ecclesia, ita ut non solùm
Latinus peccet, si fermentato consecret, sed etiam
Grecus si in azymo, quamdiu intra terminos Eccle-
siae sue commorantur: Quod etiam observandum
est in casu necessitatis, etiam si agrorū absque viatico
decidere deberet. Ratio est, quod Ecclesia utilitatem,
majestatem, tantique mysterii reverentiam validè inter-
erset, universiles in eo Ritus observari. Quare cum
Sacramentum hoc non sit absolutæ necessitatis, me-
rito ratio publica privato commodo spirituali præ-
fertur.

IV. Acetum non est materia consecrationis, cum
sit vinum corruptum, potest tamen validè Sacra-
mentum confici ex vino acido vel acescente, sicut
ex pane mucido nondum corrupto, sed ad corrup-
tionem disposito. Denique neque Agresta valide
consecrari potest, cum Agresta, utpote ex uvis im-
maturis expressa, nondum ad naturam vini perve-
nerit.

V. Admixtio aquæ ad vinum non est de essentia
Sacramenti, sed præcepti tantum Ecclesiastici sub pec-
cato mortali obligantis. Non est tamen improba-
bilis opinio Alphonsi à Castro, etiam ex Christi præ-
cepto ab Apostolis nobis tradito, vinum aquâ mi-
scendum esse.

VI. Ad essentiam formæ pertinent tantum hæc
verba, *Hoc est Corpus meum. Hic est Calix Sanguinis
mei.* Reliqua tamen verba, *Novi & Æterni Testa-
menti &c.* sine gravi peccato omitti non possunt.

VII. Ad valorem Consecrationis requiritur ut Sa-
cerdos materiam consecrandam determinatè cognoscat & intendat. Quia omnis actio transiens veratur
circa singularia determinata, idque in casu nostro ad
veritatem vocis demonstrativa *Hoc, & Hic* necessariò
requiritur.

VIII. Sacerdos censetur habere intentionem Eccle-
siasticæ consuetudini conformem, nisi eam contrario
actu excludat. Unde et si existimat quinque tantum
hostias adesse, cum sint sex, omnes consecrat. Quia
speculativus ille error non obstat prædictæ intentioni
consecrandi omnes hostias ante se constitutas, *Suarez
Sylvest. Henrig.*

IX. Si quis infcio seu non advertente Sacerdote ho-
stias